



Broj: 17-06-4-16-2-14-~~A~~118
Sarajevo, 06.07.2018. godine

Na osnovu člana 15. Zakona o Graničnoj policiji („Službeni glasnik BiH“ broj 50/04, 27/07 i 59/09) i člana 100. stav (3) Zakona o javnim nabavkama Bosne i Hercegovine («Službeni glasnik BiH» broj 39/14), rješavajući po žalbi ponuđača «SHOT» d.o.o. Zenica, od 29.06.2018. godine (zaprimljena 03.07.2018. godine), na Odluku o izboru najpovoljnijeg ponuđača po otvorenom postupku za nabavku uređaja za provjeru ličnih dokumenata, direktor Granične policije Bosne i Hercegovine, d o n o s i

RJEŠENJE

I

Uvažava se žalba izjavljena od ponuđača «SHOT» d.o.o. Zenica, od 29.06.2018. godine (zaprimljena 03.07.2018. godine), na Odluku o izboru najpovoljnijeg ponuđača po otvorenom postupku za nabavku uređaja za provjeru ličnih dokumenata.

II

Tačka I Odluke broj: 17-06-4-16-2-14-7/18 od 14.06.2018. godine mijenja se i glasi:
" **Prihvata se** preporuka Komisije za javne nabavke, da se nakon sprovedenog otvorenog postupka za nabavku uređaja za provjeru ličnih dokumenata poništi postupak iz razloga što ni jedna ponuda nije prihvatljiva".

Obrazloženje

Odlukom broj: 17-06-4-16-2-14-7/18 od 14.06.2018. godine, prihvaćena je preporuka Komisije za javne nabavke, da se po sprovedenom otvorenom postupku za nabavku uređaja za provjeru ličnih dokumenata zaključi ugovor sa ponuđačem «NETWORK I» d.o.o. Bijeljina čija je ponuda bila sa najnižom ponuđenom cijenom od ponuda koje su ocijenjene kao prihvatljive, a nakon sprovedene E-aukcije.

O ovoj Odluci, obavješteni su svi učesnici u javnoj konkurenciji, putem fax-a dana 25.06.2018. godine.

Na naprijed navedenu Odluku, ponuđač «SHOT» d.o.o. Zenica, izjavio je žalbu u kojoj se navodi:

„Analizom dokumentacije ponuđača MRG EXPORT IMPORT utvrdili smo slijedeće:

1. Tenderskom dokumentacijom za uređaj za provjeru ličnih dokumenata traženo je da "uređaj treba da obezbijedi vizualizaciju fluorescentne zaštite na različitim frekvencijama UV svjetla (365nm, 312nm, 254nm)" dok je ponuđač MRG EXPORT IMPORT ponudio vizualizaciju na frekvencijama UV svjetla (365nm, 313nm i 254nm).

2. Tenderskom dokumentacijom traženo je da "uređaj treba da obezbijedi integrisana svjetla, bijelo, koaksijalno, koso, IR svjetlo, UV (365nm, 312nm i 254nm)" dok je ponuđač MRG EXPORT IMPORT ponudio uređaj sa samo jednim UV izvorom svjetla, UV 365nm, dok se dodatne dvije UV frekvencije (UVC 254 I UVB 313 nm) spominju u kontekstu vizualizacije, a ne opremljenosti uređaja traženim integrisanim svjetlima.

3. Tenderskom dokumentacijom traženo je da uređaj posjeduje minimalni opseg spektra 400nm – 1000nm, dok se iz tehničke dokumentacije koju je dostavio ponuđač MRG EXPORT IMPORT ne može utvrditi da li ponuđena roba zadovoljava ovu karakteristiku".

„Analizom dokumentacije ponuđača Balkan Security Tech Group d.o.o. utvrdili smo slijedeće:

1. Tenderskom dokumentacijom za uređaj za provjeru ličnih dokumenata traženo je da "uređaj treba da obezbijedi vizualizaciju fluorescentne zaštite na različitim frekvencijama UV svjetla (365nm, 312nm, 254nm)" dok je ponuđač Balkan Security Tech Group ponudio vizualizaciju na frekvencijama UV svjetla (400nm, 365nm, i 254nm).
2. Tenderskom dokumentacijom traženo je da "uređaj treba da obezbijedi integrisana svjetla, bijelo, koaksijalno, koso, IR svjetlo, UV (365nm, 312nm i 254nm)" dok je ponuđač Balkan Security Tech Group ponudio uređaj sa (365nm, 313nm i 254nm i 400 nm) UV izvorima svjetla.
3. Tenderskom dokumentacijom traženo je da uređaj posjeduje minimalni opseg spektra 400nm – 1000nm, dok je ponuđač Balkan Security Tech Group ponudio uređaj sa opsegom spektra 420nm - 1100nm.

Analizom dokumentacije ponuđača Network I d.o.o. utvrdili smo slijedeće:

1. Tenderskom dokumentacijom za uređaj za provjeru ličnih dokumenata traženo je da "uređaj treba da obezbijedi vizualizaciju fluorescentne zaštite na različitim frekvencijama UV svjetla (365nm, 312nm, 254nm)" dok je ponuđač Network I d.o.o. ponudio vizualizaciju na frekvencijama UV svjetla (400nm, 365nm, i 254nm).
2. Tenderskom dokumentacijom traženo je da "uređaj treba da obezbijedi integrisana svjetla, bijelo, koaksijalno, koso, IR svjetlo, UV (365nm, 312nm i 254nm)" dok je ponuđač Network I d.o.o. ponudio uređaj sa (365nm, 313nm i 254nm) UV izvorima svjetla.
3. Tenderskom dokumentacijom traženo je da uređaj posjeduje minimalni opseg spektra 400nm – 1000nm, dok je ponuđač Network I d.o.o. ponudio uređaj sa opsegom spektra 420nm - 1100nm.
4. Tenderskom dokumentacijom u Tački 13. - Tehnička i profesionalna sposobnost - član 48-51. Zakona je traženo da "Ponuđač mora da ima uredno izvršen najmanje jedan ugovor u protekle 3. godine, čiji je predmet isti ili sličan kao što je predmet nabavke i čiji iznos nije manji od 30% od procijenjene vrijednosti nabavke." a što je trebalo dokazati spiskom izvršenih ugovora i potvrdom koju daje druga ugovorna strana o realizaciji ugovora. Ponuđač Network I je dostavio spisak od šest izvršenih ugovora i prateće potvrde čiji su predmet isporuka računarske opreme, računara, štampača, monitora, telefaks aparata, UPS-ova, patch kablova i računarskih komponenti, a što nije predmet ovog postupka javne nabavke.

Navodi iz žalbe ocijenjeni su kao osnovani.

U postupku razmatranja Žalbe izvršen je ponovni pregled ponuda ponuđača - Network d.o.o Bijeljina, Balkan Security Tech Group d.o.o. Banja Luka, MRG d.o.o. Banja Luka gdje su potvrđeni navodi žalbe da isti nisu dostavili ponudu u skladu tenderskom dokumentacijom (tačka 8 i tačka 13).

Takođe je izvršen ponovni pregled ponude SHOT d.o.o Zenica, te utvrđeno da ista nije prihvatljiva iz sledećih razloga:

1. dostavljena dokumentacija firme SHOT d.o.o Zenica potpisana je faksimilom, a ne potpisom kako je traženo u tenderskoj dokumentaciji tački 15, stav 1. tačka d).
2. Tehničkom specifikacijom ponuđač Shot d.o.o nije naveo digitalni zum min 8x, nego je samo stavljeno uvećanje bez navođenja optičkog ili digitalnog, te iz toga nije moguće jasno utvrditi da li isti ispunjavaju uslove tražene tenderskom dokumentacijom ili ne.

Na osnovu naprijed navedenog riješeno je kao u dispozitivu rješenja.

PRAVNA POUKA: Protiv ovog Rješenja može se izjaviti žalba Uredu za razmatranje žalbi BiH u roku od 5 (pet) dana od dana prijema Rješenja. Žalba se predaje putem Granične policije Bosne i Hercegovine.

DOSTAVITI:

- Shot d.o.o Zenica (fax)
- Network d.o.o Bijeljina (fax)
- Balkan Security Tech Group d.o.o. Banja Luka (fax)
- MRG d.o.o. Banja Luka (fax)
- Odsjek za nabavku i logistiku

